

Bibël për fëmijët paraqet

Premtimi i Perëndisë Abrahamit



Shkruar nga: Edward Hughes
Ilustruar nga: Byron Unger; Lazarus
Alastair Paterson
Adaptuar nga: M. Maillot; Tammy S.
Përkthyer nga: Arianit Iljazi
Prodhuar nga: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2020 Bible for Children, Inc.

E drejta e kopjimit: Mund të bëni kopje ose ta shtypni këtë histori,
nëse nuk do ta shitni.

1

Shumë kohë
pas Përmbytjes,
njerëzit mbi tokë
bënë një plan.



2

"Ne do të ndërtojmë një qytet të madh me një kullë deri në qiell," thanë ata. "Le të jetojmë së bashku gjithmonë". Çdokush fliste të njëjtën gjuhë.



3

Perëndia donte që njerëzit të banonin nëpër të gjithë tokën që Ai kishte bërë. Kështu Ai bëri diçka të veçantë. Papritmas, grupe njerëzish flisnin ndryshe. Perëndia u dha atyre gjuhë të reja.



4

Ata që flisnin të njëjtën gjuhë, u larguan së bashku. Mbase njerëzit filluan të frikësohen, nga të tjerët që nuk i kuptonin më.




5

Në këtë mënyrë Perëndia bëri që njerëzit të mbushnin vende të ndryshme. Qyteti që ata lanë quhej Babel, që do të thotë Ngatërrim.



6

Vite më vonë në një vend të quajtur Ur i Kaldeasve, Perëndia i foli një burri që quhej Abram. "Lër këtë vend", Perëndia urdhëroi. "Shko, në vendin që unë do të tregoj".




7

Abrami u bind. Perëndia e drejtoi atë në Kanan. Gruaja e tij Sarai dhe nipi i tij Loti shkuan me të.



8

Në Kanan, që të dy, Abrami dhe Loti u bënë të pasur. Ata kishin kope të mëdha me bagëti. Nuk kishte mjaft kullotë për kaq shumë kafshë.



9

Barinjtë e Lotit u grindën me barinjtë e Abramit. "Le të mos ketë zënka", Abrami tha. "Ne do të ndahemi. Lot, ti zgjidh i pari vendin që të pëlqen."



10

Loti zgjodhi një fushë të madhe, të gjelbër që gëlonte me qytete dhe fshatra. Dukej mirë. Por qytetet ishin vende shumë të mbrapshta.



11

Pasi Loti u largua, Perëndia i foli sërish Abramit. "Unë të jap gjithë vendin e Kananit, ty dhe fëmijëve të tu përjetë". Abrami dhe Sarai nuk kishin fëmijë. Si mundej



Perëndia ta mbante premtimin e Tij të madh?

12

Tre persona erdhën nga Perëndia tek Abrami dhe Sarai. "Ti do të kesh një fëmijë shpejt", thanë ata. Sarai qeshi. Ajo nuk e besoi mesazhin e Perëndisë. Ajo ishte nëntëdhjetë vjeçe.



13

Perëndia i tha Abramit, se ai tani do të quhej Abraham {"atë i lavdishëm"} dhe Sarai do të quhej Sara {"princeshë"}.




14



Perëndia i tha gjithashtu Abrahamit, se Ai do të shkatërronte dy qytetet e mbrapshta të Sodomës dhe Gomorrës. Nipi i Abrahamit, Loti jetonte në Sodomë me familjen e tij.

15




Loti i besoi paralajmërimet të Perëndisë kur erdhi, por burrat e vajzave të tij refuzuan të largohen nga Sodoma. Sa tragjike. Ata nuk i besuan Fjalës së Perëndisë.

16



Vetëm Loti dhe dy vajzat e tij dolën të sigurtë. Zjarr dhe sqfurr ra mbi qytetet e ligj.

17



Në mënyrë të trishtueshme, gruaja e Lotit nuk iu bind urdhërit të Perëndisë dhe shikoi prapa ndërsa po vraponte. Ajo u kthye në një statujë kripe.

18



Perëndia e mbajti premtimin e Tij ndaj Abrahamit dhe Sarës. Ata patën një fëmijë në moshë të shkuar, pikërisht ashtu si Perëndia kishte thënë. Sa u gëzuan ata kur Isaku lindi!

19



Mbase Abrahamit iu kujtua edhe premtimi i Perëndisë, për ti dhënë atij dhe fëmijëve të tij,

vendin e Kananit përjetë.

20

Perëndia do ta mbante edhe atë premtim. Perëndia gjithmonë i mban premtimet e Tij.



21

Premtimi i Perëndisë Abrahamit

Një tregim nga Fjala e Perëndisë, Bibla

e marrë nga

Zanafilla 11-21

"Zbulimi i fjalëve të tua ndriçon dhe u jep mendje njerëzve të thjeshtë."
Psalmet 119:130

22

Fund

4



60

23

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkate. Dënimi për mëkatin është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të t'i falë mëkatet e tua, Ai do ta bëj atë! Ai do të vijë dhe do të jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu: Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

24